

湘军史料丛刊

曾国藩年谱

附 事略 / 荣哀录

黎庶昌

曾国藩年谱

黎庶昌 撰

梅 季 标点

标 点：梅 季
喻 盘 庚

责任编辑：邓云生

装帧设计：许康铭

曾国藩年谱

附事略 荣哀录

黎庶昌撰

岳麓书社出版（长沙市展览馆路14号）

湖南省新华书店发行 湘潭市彩色印刷厂印刷

*

1986年6月第1版第1次印刷

字数400,000 印张：17.625 印数：1—4,000

书号：11285·74 定价：3.50元

11201
DE 22 B6
编辑说明

一、《曾国藩年谱》系据光绪二年传忠书局《曾文正公全集》中《曾文正公年谱》标点。作者黎庶昌，字莼斋，贵州遵义人，贡生出身，以诗文得曾国藩赏识，是曾门四弟子之一。历任驻英法德日四国参赞，又为出使日本大臣。著有《拙尊园丛稿》。

二、《曾国藩事略》系据光绪元年所刊《曾文正公事略》标点。作者王定安，字鼎丞，湖北东湖人，长期从曾氏兄弟游。王定安长于著述，生平所著有《求阙斋弟子记》、《湘军记》、《曾忠襄公年谱》等。初，王定安撰《求阙斋弟子记》累百余万言，后“乃撮其事之巨且要者为《事略》四卷”，复对《事略》加以增删，易名为《曾文正公大事记》，收入《曾文正公全集》中。这次重印，将《大事记》中所增加的有价值的内容补进《事略》。增补部分，以尖括号识别。

三、《曾国藩荣哀录》系据王定安《求阙斋弟子记·哀荣下》、民国二十五年世界书局《曾文正公全集·荣哀录》及《曾文正公事略》附录部分编成。其中黄翼升、梅启照、陈艾、李传馥、赵烈文所作的祭文，以及诗、联、上谕、谕赐祭文、谕赐入祀贤良

祠祭文、御制碑文、奏疏、神道碑、墓志铭，均录自世界书局《曾文正公全集·荣哀录》；附录杨彝珍、王定安等人的诗文，取自光绪元年刻本《曾文正公事略》；其余部分则据《求阙斋弟子记·哀荣下》。

四、为保存底本本来面目，文字中的错讹倒衍一仍其旧，而于其后方括号内著明正字或作简单说明。

目 录

曾国藩年谱	黎庶昌撰
卷一（嘉庆十六年至咸丰二年）	1
卷二（咸丰三年）	24
卷三（咸丰四年）	36
卷四（咸丰五年六年）	58
卷五（咸丰七年八年）	87
卷六（咸丰九年十年）	103
卷七（咸丰十一年）	129
卷八（同治元年）	144
卷九（同治二年三年）	167
卷十（同治四年）	198
卷十一（同治五年至八年）	213
卷十二（同治九年至十一年）	237
人名索引	256

附一

曾国藩事略	王定安撰 李鸿章审定
卷一（嘉庆十六年至咸丰六年）	1

卷二（咸丰七年至同治元年）	24
卷三（同治二年至同治三年六月）	52
卷四（同治三年七月至同治十一年）	76
人名索引	124

附二

曾国藩荣哀录.....黄翼升等撰

祭文	1
诗	39
联	47
上谕	70
谕赐祭文	72
谕赐入祀贤良祠祭文	74
御制碑文	75
奏疏	76
神道碑	89
墓志铭	94
附录	98

卷一

公讳国藩，字伯涵，号涤生，湖南湘乡人，曾氏祖籍衡阳，国初有孟学公者，始迁湘乡荷塘都之大界里，再传至元吉公，族姓渐多，资产渐殖，遂为湘乡人。元吉公之仲子曰辅臣公者，公之高祖也。曾祖讳竟希，诰赠光禄大夫，妣彭氏，诰赠一品夫人。祖讳玉屏，字星冈，诰封中宪大夫，累赠光禄大夫。妣王氏，诰封恭人，累赠一品夫人。考讳麟书，字竹亭，湘乡县学生员，诰封中宪大夫，累封光禄大夫。妣江氏，诰封恭人，累封一品夫人。仲父讳鼎尊，早卒。叔父讳骥云，字高轩，以公官赠封光禄大夫。星冈公以嘉庆戊辰年迁居白杨坪。公兄弟五人，女兄弟四人。公则竹亭公之长子也。

【辛未】嘉庆十有六年，公生。

公生十月十一日亥时，时竟希公在堂，寿几七十矣。是夜梦有巨蟒盘旋空中，旋绕于宅之左右，已而入室庭，蹲踞良久。公惊而寤，闻曾孙生，适如梦时，大喜曰：“是家之祥。曾氏门闾，行将大矣。”宅后旧有古树，为藤所缠，树已槁，而藤日益大且茂，矫若虬龙，枝叶苍翠，垂荫一亩，亦世所罕见者。

【壬申】嘉庆十七年，公二岁。

竟希公孝友敦笃，为乡里所敬。年七十，见曾孙，极欣爱之。

【癸酉】嘉庆十八年，公三岁。

公幼小时，状貌端重。自初生至三岁，庭户不闻啼泣声。母江太夫人勤操作，不恒顾复。每日依祖母王太夫人纺车之侧，花开鸟语，注目流眄，状若有所会悟。王太夫人尤奇之。

【甲戌】嘉庆十九年，公四岁。

六月，妹国蕙生。

【乙亥】嘉庆二十年，公五岁。

冬十月，受学于庭，诵读颖悟，竟希公益钟爱之。

【丙子】嘉庆二十一年，公六岁。

公在家塾，以陈雁门先生为公问字师。十月，竟希公薨，寿七十有四，葬西垞山。公哭泣甚哀，执丧若成人。

【丁丑】嘉庆二十二年，公七岁。

竹亭公粹然儒者，屡应童子试未售，绩学不怠，名其塾曰“利见斋”。课徒十余人，训诱专勤。公稟学于庭者凡八年。

【戊寅】嘉庆二十三年，公八岁。

八月，妹国芝生。

【己卯】嘉庆二十四年，公九岁。

是年读《五经》毕，始为时文帖括之学。

【庚辰】嘉庆二十五年，公十岁。

五月，公弟国潢生，竹亭公笑谓公曰：“汝今有弟矣。”命作时文一道，题曰“兄弟怡怡”，公文成，竹亭公喜甚，曰：“文中有至性语，必能以孝友承其家矣！”

【辛巳】道光元年，公十一岁。

【壬午】道光二年，公十二岁。

五月，公弟国华生。

【癸未】道光三年，公十三岁。

【甲申】道光四年，公十四岁。

衡阳廪生欧阳沧溟先生凝祉与竹亭公友善，常来家塾，见公所为试艺，亟赏之。竹亭公请试以题，先生以“共登青云梯”命为试律。诗成，先生览而称善曰：“是固金华殿中人语也。”因以女许字焉。是岁，始从竹亭公至长沙省城应童子试。八月，公弟国荃生。

【乙酉】道光五年，公十五岁。

竹亭公设馆同族家塾，曰“锡麟斋”。公从受读《周礼》、《仪礼》成诵，兼及《史记》、《文选》。

【丙戌】道光六年，公十六岁。

应长沙府试，取前列第七名。

【丁亥】道光七年，公十七岁。

【戊子】道光八年，公十八岁。

九月，公弟国葆生。

【己丑】道光九年，公十九岁。

竹亭公设馆石鱼之百鲁庵，公从。

【庚寅】道光十年，公二十岁。

九月，公季妹生。肄业于衡阳唐氏家塾，从事汪觉庵先生。公姊国兰出阁，适王氏，婿名鹏远。

【辛卯】道光十一年，公二十一岁。

公自衡阳还家塾，冬月肄业本邑涟滨书院。山长刘元堂先生名象履，见公诗文，叹赏不置，以为大器。

【壬辰】道光十二年，公二十二岁。

竹亭公以府试案首入湘乡县学。公从应试备取，以侑生注册，试罢还居家塾利见斋。

【癸巳】道光十三年，公二十三岁。

本年科试，入县学。时公名子城，提督学政为岳公镇南。竹亭公年四十有三，应童试十七次，始补生员，积苦力学，授徒家塾者二十年，至是深喜公之继起而早获售也。十二月，欧阳夫人来归。

【甲午】道光十四年，公二十四岁。

肄业岳麓书院，山长为欧阳坦斋先生。公以能诗文，名噪甚，试辄第一。是科领乡荐，中式第三十六名举人。本科乡试《四书》首题“疑思问，忿思难，见得思义”，次题“武王纘太王、王季、文王之绪”，三题“智譬则巧也，圣譬则力也，由射于百步之外也”，诗题赋得“萸得秋光入卷来”。座主为徐公云瑞、许公乃安，房考官为张公启庚。十一月入都。是岁始见刘公蓉于朱氏学舍，与语大悦，因为留信宿乃别。

【乙未】道光十五年，公二十五岁。

公寓长沙郡馆，会试不售，留京师读书，研穷经史，尤好昌黎韩氏之文，慨然思蹶而从之。治古文词自此始。

【丙申】道光十六年，公二十六岁。

△ 会试再报罢，出都为江南之游。同邑易公作梅官睢宁知县，因过访之。由清江、扬州、金陵溯江而归。公久寓京师，窘甚，从易公贷百金，过金陵尽以购书，不足则质衣裘以益之。比归里，陈所购《廿三史》。竹亭公问所自来，且喜且诫之曰：“尔借钱买书，吾不借为汝弥缝，但能悉心读之，斯不负耳。”公闻而悚息。由是侵晨起读，中夜而休，泛览百家，足不出户者几一年。

【丁酉】道光十七年，公二十七岁。

公闻浏阳文庙用古乐，诣浏阳县，与其邑举人贺以南等咨考声音律吕之源流，留两月乃归。过长沙，适刘公蓉与湘阴郭公嵩焘均在省城应试，相见欢甚，纵谈今古，昕夕无间。留月馀，始各别去。公妹国蕙出阁，适王氏，婿名待聘。十月，公生子，命

名祯第。十二月，公谋入都会试，无以为资，称贷于族戚家，携钱三十二缗以行，抵都中，余三缗耳。时公车寒苦者，无以逾公矣！

【戊戌】道光十八年，公二十八岁。

正月入都门，寓内城西登墀堂。本科会试，钦派大总裁大学士穆彰阿公及朱公士彦、吴公文鎔、廖公鸿荃。钦命《四书》首题“育必信，行必果”，次题“万物并育而不相害，道并行而不相悖”，三题“颂其诗，读其书，不知其人可乎？是以论其世也，是尚友也”，诗题赋得“泉细寒声生夜壑”。公中式第三十八名进士，房考官季公芝昌。同乡中式者五人，宁乡梅公钟澍、茶陵陈公源充尤公至好。四月，正大光明殿复试一等，殿试三甲第四十二名，赐同进士出身。朝考一等第三名，进呈宣宗，拔置第二名。五月初二日引见，改翰林院庶吉士。

公少时器宇卓犖，不随流俗，既入词垣，遂毅然有效法前贤澄清天下之志。读书自为课程，编摩记注，分为五门：曰“茶余偶谈”，曰“过隙影”，曰“馈贫粮”，曰“诗文钞”，曰“诗文章”。时有论述，不以示人。读书务内自谏，亦性然也。中式后，更名国藩。

八月请假出都，与凌公玉垣、郭公嵩焘偕行。道出襄樊，舟次安陆遇大风，邻舟数十，鲜有完者，公舟独无恙。十二月抵家。曾氏自占籍衡阳以来，无以科名显者，星冈公始督课子姓受学。宾礼文士。公遂以是年成进士，入翰林，星冈公年六十^①，健在，后公官至学士，堂上犹重庆。至侍郎，星冈公犹及见之。京朝官无及其盛者。公之以翰林归也，亲友踵门而贺，竹亭公治酒款客。比酒罢，星冈公语竹亭公曰：“吾家以农为业，虽富贵，毋失其旧。彼为翰林，事业方长，吾家中食用无使关问，以累其心。”自是

① 此处记星冈公年岁有误。据本书道光二十九年记载，星冈公卒于是年，“寿七十有六岁”。故此时当为六十五岁。

以后，公官京师十餘年，未尝知有家累也。

【己亥】道光十九年，公二十九岁。

正月，乡里天行痘证大作，公季妹及子禎第皆染痘殇。季妹年十岁，禎第生甫十五日也。四月，公至衡阳。五月，至耒阳县谒杜工部祠堂，遂至永兴。有曾纪诗者，执贽愿从事，公为书“勸之以学”。六月，还至耒阳。舟行出昭阳河，至清泉县之泉溪市，还寓石鼓书院，数日乃抵家。议修谱牒，清查源流。八月，公由邵阳至武冈州，还至新化及安化县之蓝田市。十月，抵家。公妹国芝出阁，适朱氏，婿名咏春。公弟国华出继叔父高轩公为后。十一月初二日，子纪泽生。是日起行北上，竹亭公、高轩公送之长沙。十二月，由汉口行。次罗山县，遇大雪，遂留度岁。是岁始为日记，逐日记注所行之事及所读之书，名曰《过隙影》。公会试座师朱文定公士彦卒于位。

【庚子】道光二十年，公三十岁。

正月，由罗山启行，至周家口换车入都。寓宣武门外南横街千佛庵，与同年陈公源充、梅公钟澍联课为诗赋。

四月，移寓淀园挂甲屯，十七日散馆。钦命题“正大光明殿赋”，以执两用中怀永图为韵，诗题赋得“人情以为田”。取列二等第十九名，引见授职检讨。是科散馆改部属者二人，改知县者三人，余皆留馆。

六月，移寓果子巷万顺客店，病热危剧，几不救。同寓湘潭欧阳小岑先生兆熊经理护持，六安吴公廷栋为之诊治。

八月初，病渐减，始能食粥。九月乃大愈。钦派顺天乡试磨勘官。

十月，移寓达子营之关侯庙，与同年编修钱振伦同寓。十二月，移寓棉花六条胡同路北。竹亭公入都，公夫人欧阳氏、公弟国荃、子纪泽从入都。

【辛丑】道光二十一年，公三十一岁。

正月元日，入大内，随班朝贺。嗣是岁以为常。初十日，偕同乡京官至淀园递摺谢恩，为湖南岳、常、澧各处被水缓征借给籽种。去岁大西洋英吉利国兵陷定海，宣宗命大学士琦善往广东查办。是月报英吉利攻破沙角炮台，直逼虎门。上通谕中外，授奕山为靖逆将军，隆文、杨芳为参赞大臣，琦善革职。

闰三月，竹亭公出都还湘。

五月，梅公钟澍在都病故。公为经理其丧，委曲周至。

六月，管理长沙府会馆事。益阳胡公源达卒，公作谕词挽之。

七月，皇上御门侍班。善化唐公鉴由江宁藩司入官太常寺卿，公从讲求为学之方。时方详览前史，求经世之学，兼治诗古文词，分门记录。唐公专以义理之学相勖，公遂以朱子之书为日课，始肆力于宋学矣。

八月，移寓绳匠胡同北头路东。

十月，充国史馆协修官。二十八日，偕同乡京官递摺谢恩，为岳州水灾蠲免钱粮。公寓书善化贺公长龄，自陈其所学所志。

十一月十五日，公长女生，后适湘潭袁氏，婿名秉桢。公弟国荃肄业京寓，公为之讲课。

【壬寅】道光二十二年，公三十二岁。

公益致力程朱之学，同时蒙古倭仁公、六安吴公廷栋、昆明何公桂珍、甯公塋、仁和邵公懿辰及陈公源充等，往复讨论，以实学相砥砺。其为日记，力求改过，多痛自刻责之言。每日必有记录，是为日课。每月中作诗、古文若干篇，是为月课。凡课程十有二条：一曰主敬，二曰静坐，三曰早起，四曰读书不二，五曰读史，六曰谨言，七曰养气，八曰保身，九曰日知所亡，十曰月无忘所能，十一曰作字，十二曰夜不出门。

是春，英吉利洋船驶入镇江，沿江诸城多不守，和议成后，乃退出海口。

七月，公弟国荃出都。公送之都门外芦沟桥，以诗为别。有句云：“辰君平正午君奇，屈指老沅真白眉。”公弟国潢生庚辰岁，国华生壬午岁，国荃字沅甫也。

【癸卯】道光二十三年，公三十三岁。

三月初十日，上御正大光明殿考试翰詹。钦命题“如石投水赋”，以陈善闭邪谓之敬为韵，“烹阿封即墨论”，诗题赋得“半窗残月有莺啼”。钦定一等五人：万青黎、殷寿彭、张芾、萧良城、罗惇衍。公列二等第一名。十四日引见，奉旨以翰林院侍讲升用。

五月，考试差。六月，钦命公充四川正考官，以赵楫副之。

七月，公第二女生。公出都，行至保定府，病暑不能食，扶病而行。

闰七月，行至西安。李公星沅时为陕西巡抚，延之署中，治医药数日，病渐愈，即启行入蜀。

八月初四日，抵成都，接准吏部咨文，已于七月十五日补授翰林院侍讲之缺，具呈四川总督宝兴公代奏谢恩摺。是科四川乡试首题“不知言，无以知人也”，次题“体群臣也，子庶民也”，三题“人有不为也，而后可以有为”，诗题赋得“万点蜀山尖”。揭晓得士宋文观等六十二名，副榜十二名如例。

九月二十一日，由成都回节。十一月二十日，抵都门复命，充文渊阁校理。

△ 公居京师四年矣，宦况清苦，力行节俭，而遇穷困及有疾病死亡者，助资必丰。四川差竣，得俸千金寄家，为馈遗族姻之用。

【甲辰】道光二十四年，公三十四岁。

正月，陈公源充之妻易安人病卒于京寓。其子远济生甫一月，

公携之宅中，雇乳姬字养之，以次女许字之。

二月，侍班于文渊阁，赞经筵大典。

三月二十四日，移寓前门内碾儿胡同西头路北。

四月，考试差。五月初十日，奉上谕：“翰林院自侍读以下，詹事府自洗马以下，每日召见二员。”公于二十日召见勤政殿，派充翰林院教习庶吉士。

八月，新宁江公忠源以公车留京师，因郭公嵩焘求见公。江公素以任侠自喜，不事绳检。公与语市井琐事，酣笑移时。江公出，公目送之，回顾嵩焘曰：“京师求如此人才不可得。”既而曰：“是人必立功名于天下，然当以节义死。”时承平日久，闻者或骇之。江公自是遂师事公。二十八日，公第三女生，后适罗氏忠节公泽南之子，名兆升。九月，分校庶常馆。

十二月初七日，上御门，转补翰林院侍读。公作字初学颜、柳帖，在词垣兼临褚帖。于诗则五、七古学杜、韩，近体专学杜，而于苏、黄之古诗，温、李之近体，亦最为致力。还书家中，训勉兄弟，以立志有恒为本，作《五箴》以自警：一曰立志，二曰居敬，三曰主静，四曰谨言，五曰有恒。公子纪泽是岁入家塾，塾师为长沙冯树堂先生卓怀。

【乙巳】道光二十五年，公三十五岁。

三月，钦派会试同考官。签分第十八房，荐卷六十四本，中式周士炳等十有九人。是科湖南中式八人，皆长沙府籍。贵州中式之黄辅相与侄彭年二人，原籍醴陵。而状元为萧锦忠，朝元为孙鼎臣。去秋乡试，南元为周寿昌，亦于是科入翰林。公时管理长沙郡馆事，题名之日，公为联语云：“同科十进士，庆榜三名元。”盖佳话也。

五月初二日，上御门，公升授詹事府右春坊右庶子。次日具

摺谢恩，召见于勤政殿。

六月，转补左庶子。夏间癯疾发，至秋微愈。自是以往，癯疾恒作，以至老年，未得全瘳也。

九月，公弟国潢、国华入都。二十四日，上御门，升授翰林院侍讲学士。次日具摺谢恩，召见。宣宗时，每岁举行御门之典至四、五次，京朝官缺，多以其日简放，示爵人于朝、与众共之之意。合肥李公鸿章，本年家子也，中甲辰科举人，是年入都会试，受业公门。公大器重之。

十月初十日，皇太后万寿。十五日颁恩诏于太和殿，公祖父母、父母以公官皆封中宪大夫、恭人。

十一月，唐公鉴乞假回湖南。公为校刻其所著《学案小识》一书。

十二月十二日，补日讲起居注官。二十二日，充文渊阁直阁事。公名位渐显，而堂上重庆，门祚鼎盛。公每以盈满为戒，自名其书舍曰“求阙斋”。其说云：“求阙于他事，而求全于堂上也。”同乡京官及公车在都门者，遇疾患穷窘之事，恒有求于公。公尝谓：“银钱则量力协助，办事则竭力经营。”人莫不称厚焉。

【丙午】道光二十六年，公三十六岁。

公与弟国潢、国华相砥厉于学，有如师友。为国华纳资入监，应顺天乡试。

五月，考试差。

九月十八日，公第四女生，后适湘阴郭氏郭公嵩焘之子，名刚基。夏秋之交，公病肺热，僦居城南报国寺，闭门静坐，携金坛段氏所注《说文解字》一书，以供披览。汉阳刘公传莹，精考据之学，好为深沉之思，与公尤莫逆，每从于寺舍，兀坐相对竟日。刘公谓近代儒者崇尚考据，敝精神费日力而无当于身心，